



Inatsisartuni ilaasortamut
Napaartoq Petrussen. Demokraatit

Erninnermut atatillugu aningaasateqarfik pillugu – § 37 naapertorlugu apeqqummut nr. 226/2025-mut akissut

Asasara Napaartoq Petrussen

Apeqqutitut qujanaq. Inatsisartut Suleriaasianni § 37, imm. 1 naapertorlugu erngup nukinganik nukissiorfiit minnerit pillugit Naalakkersuisunut apeqquteqaateqarputit. Apeqqutit tullinnguuttut ataasiakkaarlugit saqqummersinneqarput, akissutit tullerlutik.

**1. Sooruna ullumikkut piumasaqaataasoq, namminersortut inummit ataatsimit ingerlanneqartut
suliffeqarfitsik matusariaqassagaat Erninnermut atatillugu aningaasateqarfimmit erninnermusiaqarsinnaatitaassagunik?**

Naartunermi, erninnermi meeravissartaarnermilu sulinngiffeqartarneq pillugu Inatsisartut inatsisaat nr. 5, 19. november 2020-imeersoq:

Inatsisartut inatsisaani § 48, imm. 1 naapertorlugu, namminersorluni inuussutissarsiutitlik meerartaarnermut atatillugu sulinngiffeqarnermi inuussutissarsiornermik ingerlatsinerminik unitsitsissaaq, imaluunniit suliffeqarfimmik ingerlatsineq allanut tunniutissallugu taamaasilluni piffissami sulinngiffiusumi sulinngiffeqarfiusumiluunniit meerartaarnermut atatillugu sulinngiffeqarnermi ullormusiaqarsinnaatitaanissami isertitaqassanani. Piumasaqaat Inatsisartut inatsisaata Erninnermut Aningaasateqarfiullu pingaarnertut siunertaanit tunngaveqarpoq.

Erninnermut Aningaasateqarfiup sulisitsisup erninnermut atatillugu sulinngiffeqarnerup nalaani aningaasarsiaqartitsinissaminut aningaasartuutaanut matussusiissutissanut atorqeartussaapput, tassuuna suliffeqartitsinermi naligiisitsinissamut qulakkeerniarlugu, ilaqutariillu meerartallit erninnermut atatillugu sulinngiffeqarnerup nalaani



pilersuisinnaatitaanissaat naammaginaruututinniarlugu kiisalu kalaallit suliffeqarfiutaasa atasinnaanerulernissaat, aningaasaqarnikkut patajaatsuunissaat unammilleqatigiinnermullu nukissaqartitsineq taperserniarlugu. Aaqqissuusap atorfimmit sulinngiffeqarnerup nalaani isertitassaagaluanut matussutaasussaanissaat siunertaraa.

Namminersortunut atatillugu suliffeqarfiit inummit ataatsimik piginnittullit suliffeqarfiutaasa inuttaasalu akissarsiaqartarnerat aningaasarsiortutut immikkoortikkuminaattarpoq. Isertitat ataavartumik inuussutissarsiuuteqarnermit toqqaannartumik isertitarineqartarput sulisitsisumiillu akissarsiaqartitsisoqarneq ajorluni. Taamaattumik suliffeqarfimmik unitsitsigallarnikkut ernereernerup kingorna ullormusiaqarnermi piffissami aalajangersimasumi namminersorluni suliffeqarfiuteqartup sulisinnaannginnerani kisimi tunniunneqartussaapput suliffeqarfimmilu isertitat uninnerisa kingorna imaluunniit annikillerujussuarnerata kingorna.

Piumasaqaammittaaq ilaavoq, erninermut atatillugu sulinngiffeqarnermi ullormusiaqarnerup atorfeqarnermi isertitat uninnerata kingorna taartissatut suliffeqarfiullu ingerlaannarnissaanut tapiissutaassanatik.

a) Aaqqissuussami tassani suut innimigineqarpat, allaffissornermut, nakkutiginninnermut suliffeqarnerup erninermullu atasumik sulinngiffeqarnerup akornanni killigitinneqartunut tunngatillugu?

Aaqqissuussami eqqarsaatigisariaqartut arlaliupput, tunngaviusumilli inuussutissarsiutigalugu suliffeqarfiup unitsikkallarnissaanut piumasaqaatitaqarpoq.

Allaqaasiutigalugu pingaartut allaffissornikkut ingerlatsineq. Inatsisartut inatsisaanut nassuiaammi aaqqissuusaq allaffissornikkut pisariillisaanissamik aaqqissuunneqarnikuuvoq. Aaqqissuusatigut Erninermut Aningaasaateqarfiup sulisitsisullu matumani namminersortut allaffissornikkut artukkersunnginnissaanik siunertaqarpoq. Inuussutissarsiutigalugu suliffeqarfiup unitsikkallarneqarnissaanut erseqqareqqissaartumik piumasaqaateqarnikkut ernereernerup kingorna ullormusiaqarnissamut pisussaaffinnik naammassinnittoqarsimanersoq allaffissornikkut nalilersoruminarnerutilissavaa isertitanillu nakkutilliinerit ataavartumik misissorneqartarnissaanik pisariaqartitsineq suliallu annertussusaanik inunnik ataasiakkaarilluni nalilersuisariaqarneq appasinnerpaamiitillugu.



Aappaatut aaqqissuussaq nakkutilliinertaqarpoq. Suliffeqarfiup unitsikkallarneqarnissaanik piumasaqaateqanngippat Erninermut Aningaasaateqarfiup namminersortut ernereernerup kingorna sulinngiffeqarfissaminni inuussutissarsiornersut isertitanillu kaaviiatitaqarnersut nalilersoruminaatissavaa. Piumasaqaatip ernereernerup kingorna ullormusiaqaatigaluni inuussutissarsiortoqannginnissaa imal. isertitaqartoqarnissaa ingalassimaartissavaa, naleqq. § 40, imm. 1, nr. 3 Inatsisartut inatsisaat.

Pingajuattut aaqqissuussap inuussutissarsiorderup ernereernerullu kingorna sulinngiffeqarnerup immikkoorluinnarnissaat qulakkiissavaa. Inatsisartut inatsisaat ernereernerup kingorna sulinngiffeqarnermi ullormusiaqarnerup sulisinnaannginnermik tunngaveqarpoq. Tamanna aamma § 48, imm. 2, namminersorlutik inuussutissarsiutillit aapparisaat inooqatigisaalluunniit ikiortaasut, piffissami pineqartumi pineqartut aapparisaat inooqatigisaalluunniit inuussutissarsiordermik ingerlatsinerani aatsaat ikiutissanngippata meerartaarnermut atatillugu sulinngiffeqarnermi ullormusiaqarsinnaatitaapput. Aaqqissuussaq inuiaqatigiinni eqimattani tamani naligiissitsilersuusooq, akissarsiaqartut namminersortullu naligiimik pineqarnissaannik qulakkeerinnittuavoq.

2. Namminersortunut qaammammut annerpaamik aningaasat qanoq annertutigisut Erninermut atatillugu aningaasaateqarfimmiit akiliutigineqarsinnaappat?

Apeqqutip akissuteqarfiginissaanut atugassanik akissummut ilanngussassanik Erninermut Aningaasaateqarfimmit pissarsiniartoqarsimavoq.

"Qinnuteqartunut tamanut akissarsiat nalinginnaasut 80%-iinik taarsiiffigitissinnaammata, annerpaamilli akunnermut 135,00 kr. akigititat atuuttut malillugit, sap.ak. sulinerit akunnerit 40-tak. Inatsisartut inatsisaat §§ 24 – 25. Qaammammut akigititaasoq atuuttoq annerpaamik 23.399,55 kr.-t"

a) Suliffeqarfiit ataatsimik inuttallit qassiit ukiuni kingullerni Erninermut atatillugu aningaasaateqarfimmit pisimappat?

Apeqqutip akissuteqarfiginissaanut atugassanik akissummut ilanngussassanik Erninermut Aningaasaateqarfimmit pissarsiniartoqarsimavoq.



*”Erninermut Aningaasaateqarfiup suliffeqarfiit ataasiinnarmik sulisullit ukiut
ingerlaneranni qassit taarsiiffigitinnissamik qinnuteqarsimanersut takusinnaangilai.
Ukiunili kingullerni suliffeqarfiit ataasiinnarmik sulisullit qulit miss.
taarsiiffigitissimanissaat naatsorsuutigineqarpoq”*

**3. eErninersiuteqarnermut aaqquissuussap namminersortunut suliffeqarfinnullu
minnerusunut
atugassarititaasunut sunniisarneranut, Naalakkersuisut sunik eqqarsaatersuuteqarsimappat?**

Ernereermermi ullormusiaqartitsineq pisarpoq Inatsisartut Inatsisaat nr. 5 19. novembari 2020-meersoq naartunermi, ernereermermi meeravissartaarnermilu sulinngiffeqarneq pillugu inatsit tunngavigalugu.

**4. Naalakkersuisut namminersortunut erninermut atatillugu atugassarititaasunik
pitsaangorsaaniissamik tulluussaaniissamillu pilersaaruteqarnerpat, angajoqqaanngornerup
aammalu suliffeqaffeeqqamik ingerlatsinerup ingerlaannarnissaanut
periarfissaqarnerulernissamut?**

Ernereermerup kingorna sulinngiffeqartarneq pillugu inatsimmik allannguinnissaq erninermut aningaasaateqarfimmut tunngatillugu Naalakkersuisut 2026-mut inatsisinik suliassaanut ilaangilaq.

Inatsitigut allannguinnissamut tunngatillugu saaffiginnissutit Isumaginninnermut Suliffeqarnermullu Naalakkersuisussap 2026-p ukiaanerani ataatsimiinneranni ivertinneqartussatut naatsorsuutigineqartumut saaffiginnissutigineqarsinnaapput.

5. Sammisamut soqutiginarfik allanik Naalakkersuisut paasissutissiisinnaappat?

Naalakkersuisoqatigiinnissamut isumaqatigiisummi ima allassimasoqarpoq:

Aallaqqaammut angajoqqaat sulinngiffeqartarnerisa sivitsornissaat qulakkeerusupparput. *Taamaaliornermi maanna sapaatit akunnerinit 21-nit sapaatit akunnerinit 37-nut sivitsuisoqassaaq. Taamaaliornermi ilaqutariit ukiumi ilivitsumi ataatsimoorsinnaalissapput, tamannalu meeqqat inuunerissaarnerannut ilaqutariillu ilorrisimaarnerannut aningaasaliinertut isigaarput.* Peqatigisaanik ataataasut immikkut sulinngiffeqartarnissaat, ernereermermilu aningaasaateqarfimmit utertitsisarneq naalakkersuisoqatigiit qulakkeerniarpaat."



Inussiarnersumik inuulluaqqusillunga

Aqqaluaq B. Egede